

Debat Piala Naib Canselor: Kolej E muncul juara

NST 16.10.2014 6

KOTA KINABALU: Kolej E berjaya merampas kejuaraan daripada Kolej AB bagi pertandingan Debat Piala Naib Canselor kali-ke-14 yang berlangsung di Dewan Resital, Universiti Malaysia Sabah.

Mendebatkan isu 'Keragaman Sabah, Malaysia Lebih Bererti', pendebat dari kolej E yang bertindak sebagai pihak kerajaan berjaya mematahkan hujah-hujah dari pendebat Kolej

AB yang bertindak sebagai pembangkang, sekali gus merangkul kejuaraan bagi debat kategori Bahasa Melayu utama.

Lebih manis, pendebat mereka, Mohd Faizal turut diangkat sebagai pendebat terbaik dalam pertandingan akhir.

Sementara itu, pendebat Kolej CD berjaya menawarkan Kolej AB bagi kategori Bahasa Melayu Muda. Mohd Fazrul Abdul Rahim dinobatkan sebagai pendebat terbaik kategori Bahasa Melayu Utama bagi keseluruhan kejohanan, manakala kategori Bahasa Melayu Muda disandang Nurfaiz Musthafa.

Piala kemenangan berserta sijil disampaikan oleh Timbalan Naib Canselor Hal Ehwal Pelajar dan Alumni, Prof. Madya Dr. Ismail Ali.

Terdahulu, Naib Canselor, Prof. Datuk Dr. Mohd. Harun

Abdullah berucap ketika merasmikan pertandingan akhir debat tersebut berkata Karnival Debat Piala Naib Canselor yang telah bermula sejak tahun 2001 ini telah berjaya mencungkil bakat-bakat baru dalam pengucapan awam bagi meneruskan legasi kecemerlangan UMS dalam bidang ini.

Jelasnya, penganjuran pertandingan debat tahunan ini juga adalah platform kepada para pendebat untuk ke peringkat lebih tinggi seperti kejayaan UMS memenangi Debat Diraja 2014 kali ke-16 dalam kategori muda Bahasa Melayu Mei lalu.

Turut hadir pada majlis tersebut Pengarah Pusat Alumni, Raffie Hj. Janau, dan Pengetua Kolej Kediaman AB, Fauzie Sarjono.



AMANAT... Naib Canselor menyampaikan ucapan perasmian.

KENANGAN... Para pendebat merakam gambar kenangan.



HUJAH... Pendebat menyampaikan hujah pada pertandingan akhir Piala Debat Naib Canselor.



JUARA... Kolej E muncul juara Piala Debat Naib Canselor kategori Bahasa Melayu Utama.